

Missäs oon Noran pulkka?

Teksti ja kuvat:

Elmira Zadissa

Ramona Zadissa





Viimen oon talvi. Nora kattoo ulos klasista.
Isoja ja pieniä lumihuatheita lentelee alas
taihvaalta.



Noran kaverit leikkivät ulkona lumessa.



Viiuuuuu

Net laskevat hänen klasin siutti heän pulkoissa.





- Mutta missäs minun pulkka oon?
Nora hunteeraa.



- Soon varmasti kellarissa. Jalla!
Lähemä sinne hakheen sitä,
pappa sanoo.




Förooti

Nora, pappa ja pikkupiika menevät kellarhiin.

Mutta pappa ei näe
kummia kampheita.



-Mitäs sie sieltä olet löytäny pappa?
Oleks löytäny **kellarimonsterin**?






- Älä pölkää pappa.
Mie autan sinua.



Nora mennee varovaisesti
kellarimonsteria kohti.



- Mutta pappa,
eihän tämä ole
mikhään
kellarimonsteri!
Nora sanoo.





-Jättiläisrotta!!!

...joka haisee
niin kauheasti!



- Oi, pappa sanoo.
Mikä kauhea haiju!

Mutta mie uskon
ette jättiläisrotta oon



vain isosisaren
jalkapallokengät.



Mikäs pimeässä piileskelee?

Pappa kattoo kampheitten...

...päältä...

...ja...

...alta,

mutta ei löyvä yhthään pulkkaa.

-Varota pappa!

Vihanen

miekkavalas!!!



- Vihanen miekkavalas?
Miksis se oon vihaassa?
pappa huutaa kauhistunheena.

- Piia! ko sie olet herättänny
sen! Mie kysyn.




-Hi, hi. Ei sollu mikhään vihanen miekkavalas.
Katto, ei sole ko vanhaa matto!
Nora sannoo.



Pappa vähän puhalttaa ja sannoo:

Nora, menis hopumpaa jos sie
auttaisit minua hakheen sen
siihan ko pölättäisit minua
koko aijan.



Nora alkaa auttamhaan pappaa.
Net hakevat joka loukosta.

Mamman
kapan
takkaa



ja punasen kläninkin alta

Mutta ei Nora eikä pappa löyvä pulkkaa.



Piain pikkupiika oon löytäny jotaki...



-Pappa, varota!
Soon lohikäärme Dummer
joka on aika tohokka!
Nora huutaa.



- Ehei. Lohikäärme Dummer ei ole täällä.
Mutta tiäks mikä tämä oon?
pappa kyssyy.

Minun pulkka! Minun fiini pulkka.

Mie olen kaivanu sitä niin paljon.







Viimen Nora oon löytäny pulkkansa
ja halvaa vain hoppua lähteä ulos.

- Katto pappa!
Mulla on mailman paras pulkka!
Nora huutaa ja
laskee täyttä häkkää mäkeä alas.



